

欽定剿平粵匪方略

欽定勦平粵匪方略卷二百二十四 己未年

九月初一日

丁卯

勝保奏言前因粵捻大股撲至

張家溝蘆塘口等處經臣親督各軍扼勦始行

退去該逆半由固鎮一帶向西路繞撲傳振邦

卽日馳往截勦以顧北路臣當派穆騰阿等帶

領馬步各隊跟追賊勢剽疾追之不及而懷遠
賊衆仍以一半屯踞淮河沿岸之三鋪四鋪一

帶伺隙下撲水路賊船多隻撲過臨淮亦圖東
駛經知府秦榮等擊沈船隻殲匪多名臣一面
令穆騰阿等由張家溝西岸進剿仍令道員黃
元吉等復整民團協同大軍進堵自二十日以
後我兵連日出隊進擊屢有斬擒該逆立足不
住盡由三鋪四鋪地方遁歸懷遠分赴臨淮潛
分大股同時南竄撲擾明光臣於十九日派兗

蒙額由小溪渡河間道前往援救一面札飭張
得勝嚴督明光存營兵勇固守以待馬隊官兵
於二十日馳抵岡子集正遇馬隊賊匪四處焚
擄奮力擊殺斃賊二三百名溺水死者無數追
殺二十餘里直抵明光街口詎集內徧地皆賊
探知張得勝營盤業經撤退臣聞報甚爲詫異
旋據張得勝飛稟十八日圍營之賊愈逼愈緊

其西路鑪橋之賊亦全數糾赴此路李世忠一軍爲全椒賊勢牽掣未能帶隊赴援致逆股抄至澗溪後路將營盤困入核心該總兵卽於十九日帶齊隊伍衝出重圍與格洪額合軍共保盱眙等語並探聞六合天長賊衆欲由馬家壩窺伺三河蔣壩查盱眙現雖喫緊惟權衡緩急中路賊勢最重此間距盱眙二百餘里鞭長莫

及設分身往援則賊股必由五河下竄勢將不可收拾惟有抽撥礮船下駛扼守湖面添撥沈邱新勇五百名交格洪額等協助堵勦目下淮南已成焦土臣惟有力顧淮北仍照前議進擣懷城杜其北竄俟新調馬隊一到再添兵繞赴東路馳援或以奇兵由小溪渡河直趨定遠攻其所必救以牽賊勢臣前咨袁甲三就近調度

蔣塘盱眙各防軍嚴密堵禦一切遵照前奉
諭旨妥辦並知照安勇等就現有兵勇以勦爲堵但賊
數衆多該員等支撑匪易仍應請

旨飭下和春令江北官兵迅速分攻浦六天長擣賊後
路庶臣得以由北而南力圖埽蕩湖北宜昌鎮
總兵張得勝經臣派令扼守明光於援兵未到
以前遽行撤退實屬守禦不力應請

旨將該總兵暫行革職責令奮勉圖功以觀後效

勝保又奏言據副將格洪額稟報逆衆大股已
由河稍橋撲近盱眙經磨膳山營盤開礮轟擊
該逆抵死不退恐兵力單薄難資抵禦請迅撥
援兵等情臣此時急欲赴援而中路五河水路
要衝正虞稍縱卽逝斷難撤動計新調韓莊馬
隊日內可到再由臣相機布置以期力挫兇鋒

臣營派去礮船二十隻已飭嚴扼盱眙湖面遏其北渡以顧紛竄泗州之路惟蔣壩三河係竄入清淮要路最形喫重前由江南調入高寶湖內艇船四十隻頗資得力已咨商袁甲三撥赴三河衡陽一帶扼截或能抽撥若干駛赴洪湖與臣所帶礮船聯絡巡邏更爲周妥仍應請旨飭下袁甲三就近嚴督在防兵勇力固蔣壩以保東

路其前由臣撥回盱眙之馬隊二百名此時不及由太平集渡湖業已飭其徑赴蔣壩藉資協助

勝保又奏言據總兵李世忠密稟逆首韋志俊復由江南池州帶賊過江四眼狗陳玉城糾衆攔阻彼此忿爭於和州地界兩相殺戮李秀城不知因何被洪逆鎖至南京李秀城手下賊衆

亦幫同韋志俊與陳四眼狗所帶之賊仇殺死者數千人。請臣乘此機會速籌進兵，可滅此賊。現在臣軍進紮淮北，力扼粵捻北竄之路，斷無餘力。南剿但得江南之軍，迅攻金陵，以擣其巢，一面分兵亟圖浦六，令賊首尾不能相顧。其楚北東征之師，剋日水陸直抵安慶，合力圍剿，使賊向南回顧。臣率淮北一軍轉戰而前，或可收三

路並進之效奏八

上命軍機大臣傳諭勝保袁甲三庚長曰本日據勝保
奏明光已爲賊踞力顧淮北勢難分身東顧並逆衆
已撲近盱眙請飭袁甲三力固蔣壩等語逆匪竄至
南路撲擾明光張得勝遽行撤退實屬恇怯無能盱
眙地方偏近清淮該逆由河稍橋前來圍逼官軍營
盤勢已岌岌格洪額一軍能否支持尙未可知勝保

雖因中路五河爲水路要衝不能撤動仍應嚴飭格
洪額張得勝等力保盱眙不可再有疏失袁甲三所
調艇船四十隻旣能得力應否檄赴三河衡陽一帶
扼截或抽撥若干駛赴洪湖與勝保所派礮船聯絡
聲勢之處著袁甲三庚長妥爲布置勝保撥回馬隊
二百名已經赴蔣塢該署漕督等卽督飭安勇實力
防勦以遏賊衝

上又命軍機大臣傳諭和春張國樑李若珠曰本日勝
保奏賊踞明光撲近盱眙請飭和春等迅攻浦六等
處以分賊勢據李世忠稟探逆首章志俊由池州帶
賊過江陳四眼狗糾衆攔阻於和州地界兩相殺戮
並聞李秀城被洪逆鎖拏其手下賊衆亦幫同章逆
與陳逆所帶之賊仇殺機會大有可乘等語現在淮
南賊氛猖獗昨據袁甲三等奏已有欲犯清淮併力

下竄之語加以盱眙喫重賊勢蔓延勝保進紮淮北
其力不能他顧本日已諭勝保袁甲三等各籌扼截
亦恐能堵而不能勦果能以江北各軍分擣浦六天
長攻其所必救則盱眙等處之賊有所牽制不至直
犯清淮且該逆內訌已成能迅攻金陵以擣其巢勦
辦自易得手著和春張國樑等乘此機會督飭水陸
將弁謀取金陵其浦六天長圍攻已久李若珠業已

過江著督催將弁實力攻勦無論何處下手若能速
拔城池即可稍分賊勢俾勝保淮北一軍得以節節
撓擊方操勝算

上諭內閣曰逆賊撲擾明光經勝保派營總克蒙額帶
領馬隊馳至岡子集殺賊二三百名溺水死者無數
湖北宜昌鎮總兵張得勝駐防明光乃於援兵未到
以前遽將營盤撤退致爲賊踞實屬守禦不力著暫

行革職留營責令圖功以觀後效

勝保又奏言頭品頂戴候補副都統富勒德恩
布經臣派令管帶馬隊甚屬得力茲於八月十
一日在明光軍營中暑病故臣失此臂助痛惜
無已合無仰懇

天恩俯准將富勒德恩布照副都統軍營立功後病故
例從優議卽以慰忠魂奏入

上諭內閣曰頭品頂戴候補副都統富勒德恩布管帶
馬隊歷著戰功茲在營病故殊堪憫惜著加恩照副
都統軍營立功後病故例從優賜卹

初二日 戊辰翁同書奏言據李世忠稟報滁州於

七月二十二日解圍餘匪悉行西竄當飭六安
霍山防兵聯絡團練加意嚴防該逆意欲攻踞
六安經已革副將盧又熊力戰擊退遂由六安

東南竄撲霍山盧又熊卽函知霍山文武嚴密
防堵一面集團扼勦臣以盧又熊防守六安難
於兼顧飛飭副都統麟瑞等各帶馬隊一百名
星夜馳赴六安會同盧又熊援勦嗣據派防霍
山已革知府袁懷忠稟稱粵逆大股由六安東
竄霍境之山旺河但家廟等處該員會同代理
霍山縣知縣王自鎔帶勇迎勦將賊擊退該逆

復分路來撲因霍山城池倒塌賊衆我寡十五
日被賊攻陷該員身受重傷現移紮流波礮砲
六安英山兩路要隘等語查霍山地連楚豫恐
該逆紛竄肆擾當卽飛咨官文胡林翼瑛棨速
飭鄰近地方文武一體嚴防俾免竄越一面飛
飭麟瑞等督帶馬隊會同霍六諸軍及該地方
團練迅卽進勦力圖克復此次霍山失守該地

三國志卷二十一
方官未能先事嚴防實難辭咎相應請

旨將代理霍山縣知縣王自鎔卽行革職暫留署任以

觀後效已革知府袁懷忠力戰受傷尙無畏避

情事現飭帶罪圖功如始終不能得力卽行從

嚴參辦其餘在城文武各員應俟查明辦理奏

八

上諭內閣曰粵逆闖入霍山縣城代理霍山縣知縣王

自鎔未能實力堵禦實難辭咎著卽革職暫留署任
以觀後效派防霍山之已革知府袁懷忠力戰受傷
尙無畏避情事著准其帶罪自效如再不能得力卽
行從嚴叅辦

同日和春奏言上年粵逆由江西竄擾浙江衢
嚴告警奉

旨命臣前往督辦因患病未能起程嗣奉

旨將浙江衢州鎮總兵李定太幫辦臣軍務當卽轉飭
欽遵辦理惟查浙境早已肅清其交界之婺源
景德鎮亦均先後克復現在通省安靜如常邊
境平定該總兵無須幫辦自應請
旨撤銷奏入得

旨李定太著撤銷幫辦

和春又奏詳據水師吳全美稟報七月十八日

蕪湖逆黨至馬步橋割稻該鎮派徐民萱帶勇
衝殺生擒賊目劉萬和等六名卽行正法旋探
賊向三山築壘用礮划出白茆嘴順流東下來
犯魯港舟師十九日吳全美派參將李起高等
督帶紅單三板駛赴白茆嘴馬喜等帶快蟹划
船駛赴三山賊划果白白茆嘴飛櫂出江李起
高等槍礮齊施轟沈賊划十餘隻殲賊無數該

逆回竄是夜三山之賊由峨橋橫山橋而來焚燒民房靠江築壘馬喜等殲賊甚多賊仍死拒李起高由白茆嘴移船助勦該逆見師船大至驚竄回巢又據翼長王浚報稱八月十三日守備劉蔣華等各駕長龍船前赴烏江一帶巡哨行抵和州江面見賊船數隻泊立率各勇開放槍礮轟擊該逆落水死者甚多猶死力拒敵

沈廷蘭等躍上賊船生擒逆匪三名餘匪無路奔逃紛紛投水淹斃立奪賊船四隻並獲稻穀二百餘石鹽四十餘石分賞兵勇現仍飭嚴密防勦以杜窺伺奏入報

和春又奏言查守備李玉龍管帶鎮勇一百名駐守浦口上下八月初七日逆匪由山後潛至

拋進噴筒燒燃帳房雖經該守備督勇擊退究
屬防守不嚴相應請

旨將守備李玉龍革職留任責令上緊勦賊以觀後效

奏八

上從之

初八日

甲戌

上諭內閣曰雷以誠著卽釋回

初九日乙亥勝保奏言前撲町貽之賊經我兵擊

敗退至東南之蓮塘西南之四十里橋兩處臣

當飭格洪額嚴整兵勇及余通海等所帶礮船

礮划實力梭巡証該逆於八月二十八日分股

擣至清水壩高家凹地方係逆首四眼狗陳玉

城吳如哮等糾率親來圍裏我兵營盤二十九

日張得勝格洪額督軍分路衝殺斃賊無數東

面一股賊衆數千人已抄出我兵之後撲進街
市我兵且戰且退撤至湖邊背水爲陣逆衆蠱
擁而前當經水師轟擊逆勢稍卻我陸兵仍與
相持不下忽見一黃衣賊酋率悍賊數千猛撲
張得勝等督兵迎擊手刃賊匪數人旋槍擊該
賊酋墮馬遂趕上斬獲首級時生擒在旁之賊
指爲逆首吳如暉該逆死黨數百人前來奪屍

經我軍殲殺殆盡逆勢大敗其分撲東南面一
股及竄入街市匪衆盡赴山下奔逃經礮船轟
斃擊傷者不計其數訊據獲賊供稱粵逆陳四
眼狗吳如淳捻首龔得等由定遠池河藕塘等
處糾約大股欲竄踞盱眙爲東窺蔣壩南援天
長六合之計不期逆首被殲未能肆逞等語張
得勝等派弁將吳逆首級解送到營臣飭前自

賊中來歸者逐一驗認僉稱係首逆吳如暉無
疑惟蓮塘一路並古桑樹狀頭橋一帶時有賊
馬遊駛去高橋馬塢均不甚遠現飭張得勝格
洪額於該縣西關外之寶子山扼要固守余通
海等礮船卽停泊山下湖邊與陸軍相爲依輔
蔣塢地方本有安勇一軍扼紮近復由袁甲三
於高寶湖內調集長龍船三十隻駛抵三河阻

截水面並派吳棠前往會辦該處有險可扼可
保無虞所有尤爲出力將弁已由臣存記再行
奏懇

恩施奏入

上諭內閣曰此次粵撫糾約大股復竄盱眙經勝保督
飭張得勝等會同水師艦船并力截勦全數擊退陣
斬著名逆首淘足寒賊膽而快人心著勝保等乘勝

進攻盡殲醜類在事尤爲出力員弁並著勝保存記
奏請獎勵

十一日 丁丑 曹澍鍾奏言查逆賊石達開糾合大

隊交撲省城經臣督率文武紳團迎擊轟斃悍
賊數百人始不敢近攻城下均屯聚於附郭西
南隅之街市鄉村近日北來之賊偏處西南文
昌各門外時以槍礮向城環攻八月初六日臣

密飭蔣益澧督率已革知府潘家馥等乘夜馳
赴馬貴橋等處焚燬該逆房屋燒斃髮賊不少
餘匪奔潰初七日北路逆匪竄至大墟陳友勝
等前往迎勦初九日行抵鐵沙墟該匪正在造
飯我軍疾趨奮擊殲斃多名日來守禦嚴密該
逆未敢撲近城垣惟意在阻塞糧路坐困省門
另分股匪萬餘人直撲南鄉各村寨當令員外

郎唐岳督練力戰殺斃悍匪數百人該處路通
平樂柳州設被匪竄踞勾結平柳之賊勢益滋
蔓臣與蔣益澧張凱嵩華日新等札調柳州燧
勇等軍四五千人回紮西南要隘與唐岳聯絡
聲勢以杜勾竄並酌量情形取道來省協力夾
攻至省門東岸沿河爲軍民糧運來路該逆日
夜垂涎拆毀鄉民屋宇駕馳木簰以冀偷渡屢

經千總馮登等擊退該逆繼於對岸柘木墟魏
家渡等處築壘意在潛涉劫我東營蔣益澧等
密飭水師益以湘勇共千餘人乘駕戰船於十
七日夤夜駛下直抵賊壘連環轟擊斃賊無數
將木簰盡行奪獲賊踞村屋一齊燒燬該逆紛
紛逃竄自是不敢東顧桂林以北爲楚粵咽喉
臣先飭卽用道蘇鳳文馳赴全州督勦嗣該道

稟請楚南撥兵撫臣駱秉章已飭卽選道蕭啟江候補按察使劉長佑統帶各勇來粵援勦臣等急欲會合各軍滅賊朝食而炳勇等軍路途阻滯蕭啟江等因該逆屯聚興安靈川一帶繞路前來尙未到省臣已飛咨湖南撫臣催令星夜前進並添撥重兵接應一面再催兩廣督臣速撥兵勇赴粵協勦再蕭啟江劉長佑與蔣益

澧等會合攻勦總須督辦有人方不至臨時觀
望貽誤事機該道等可否歸臣節制調遣之處

伏乞

調示遵行奏入

上命軍機大臣傳諭曹澍鍾駱秉章曰逆賊石達開經
湖南官軍痛剿後敗竄廣西圍撲省城雖經文武紳
團疊次截勦惟賊衆兵單不敷分布所調練勇等軍

復路途阻滯一時未能趕到駱秉章前派蕭啟江劉長佑兩軍赴援現於興安靈川一帶爲賊所阻節節攻堅未能長驅直進桂林待援甚急設有不虞使該逆踞爲巢穴勦辦更難措手著駱秉章飛催該二員繞道前進或再添撥重兵接應毋稍遷延曹澍鍾一面飛提楚軍一面督率文武員弁極力守禦以待援師劉長佑蕭啟江等軍俟入廣西地界卽歸曹澍鍾

調遣以一事權

十三日己卯廣西學政李載熙奏言石逆爲楚兵

所敗始謀入粵六月閒平樂府知府陳泰初督

兵勦修荔土匪該逆探知郡城無備潛以偏師

掩襲適藩司蔣益澧引兵抵郡該逆驚疑卻退

又偵知省城空虛復率大衆由興安靈川突犯

會垣時省中守禦全無撫臣曹澍鍾飛札蔣益

澧派兵回援自將全師繼發二十八日蔣益澧所派援省之潘家馥始至所部千人大半老弱羸病次日賊大隊驟至人情惶駭幸梧州所解敵位前日到省招募之東省水勇六百名橫亘東北又調本地兵勇居民持械上城午刻賊由北路蠶擁而來城上連發大礮斃賊數十人賊氣少餒水勇復上岸抄擊賊始折向西南逼城

而營初三日蔣益澧到省所帶之兵亦多疲病
人人失望賊之初至不過五六千人數日後賊
復大至計不下三四萬人則石逆由寶慶敗回
者也現在賊營自西南城外起蔓延百餘里西
南北三面道路梗塞東路恃爬船捍禦而十數
里外亦有賊蹤使賊以全力來薄恐非數百水
勇所能制柳州尙有湘勇千餘人及志同軍械

勇千餘人以檄調稍遲爲賊所隔至今未到此
外別無可待之援西省素無儲蓄一切皆由外
運一經閉城百物皆絀不得已開城以資轉運
而匪徒之溷跡奸宄之潛蹤不暇計矣各鄉難
民避賊入城者殆數十萬旬日之外羅掘俱窮
興靈臨灌等縣之民當收穫時忽遭寇擾欲耕
無具欲歸無家數百萬顛連無告之民作何安

置此又事後之大患也現聞蕭啟江所部萬人
已入粵境其餘尙在楚邊伏薪

皇上飭下各該統兵大員星速赴援並請

飭下湖南廣東督撫以全力滅賊毋徒以解圍塞責臣

聞該逆遁至東安與其黨謀欲暫取粵西以爲
後圖不得則竄踞南甯爲再出之計查石逆本
粵西人兇狡多詐現在柳潯南思羣盜如毛若

與該逆相應爲害更烈

李載熙又奏言藩司蔣益澧以一介布衣受

皇上不次之恩年未三十位至方岳宜如何感激矢報

乃其居心行事有不可解者平郡擊退之賊該

司自應跟勦何以置之不顧反赴修荔致犯平

之寇乘虛窺省省垣空虛之狀該司豈不知之

乃僅遣一屢次潰敗之潘家馥將病卒千人回

援非特不能戰亦不能守也蔣益澧未到時僉
以該司手握重兵到省後必可一戰解圍乃所
將亦僅疲卒千餘人見者莫不寒心儻事殃民
罪何可逭查該司自前年冬每月索銀五萬兩
動稱養湘勇萬餘人西省一切款項悉爲所有
外省來者亦要於路而取之其所部之勇今全
數在省衆目共睹此外惟有防柳之湘勇三營

號稱每營五百耳然勇數雖少苟能得力亦堪
禦侮而刻薄寡恩士卒解體得力之勇皆相率
以去遇有調發則以賤值募市井游手充之去
秋以來每戰必敗職是故耳該司前在賀縣爲
賊所困該邑團勇奮力擊賊拔出重圍該司見
其驍健且德其救己也因札飭團長劉鴻生等
招賀勇一千五百名隨營聽調每名月給口分

二兩該司發札後卽回省不復出亦不發餉而
其勇尙在也此次援省何難就近檄調同行乃
恐其索逋又忌其立功屏而不用到省後臣與
撫臣再四婉勸該司一味支吾固請之則稱疾
高臥閉門不納坐擁厚貲不發兵餉愚鄙貪頑
至此已極查蔣益澧從前尙稱勇敢近來身家
念重志愈驕而氣愈怯臣亦明知城圍未解不

能不委曲求全而任其所爲勢將貽誤伏乞
皇上先解該司兵柄將無用之勇設法遣散以其貲另
募勇敢之士仍懇

飭下撫臣俟楚南統兵各員到時准其擇清慎明幹者
一二人留粵俾任勦賊事宜並請

飭令該司交卸來京將經手錢糧自行赴部報銷以昭
敷實至該司帶兵以來有無措置乖方及別項

劣蹟應請

飭下撫臣訪查明確奏請

聖裁奏入

上命軍機大臣傳諭勞崇光駱秉章曹澍鍾曰本日復據李載熙奏楚匪竄粵城圍方急賊營自城外西南起蔓延百餘里西南北三面道路梗塞東路恃爬船捍禦而十數里外亦有賊蹤柳州湘勇及志同軍械

勇均爲賊隔此外別無可恃之兵情形危急等語桂
林一城關繫全省大局設令賊躡關入勦辦更難措
手蕭啟江劉長佑兩軍據稱阻於興安靈川一帶著
駱秉章飛催該二員設法繞道前進並著添撥重兵
赴援免致孤軍深入勞崇光統轄兩粵著派撥重兵
星馳援應力解城圍曹澍鍾身任封折責無旁貸著
一面飛提楚軍一面督率文武員弁竭力守禦以待

軍本日已明降諭旨將蔣益澧革去藩司以道員
降補蔣益澧所部兵勇著交新任臬司劉長佑統帶
責令迅速勦賊所有疲病各勇卽著劉長佑分別裁
汰以節經費

上諭內閣曰李載熙奏廣西布政使蔣益澧貪鄙任性
債事殃民自擊退平樂賊匪後並不跟蹤追勦轉赴
修荔致賊匪乘虛窺省迨省城被圍該藩司僅以疲

病之兵千餘人回援本省錢糧及各省協濟餉需均以養勇爲名諸多浮冒遇有調發則以賤值雇募充數其隨營之賀縣團勇擊賊得力該藩司忌其立功屏棄不用坐擁厚貲不發兵餉等情朕因蔣益澧帶勇勦賊素稱勇敢不數年間由布衣擢至藩司宜如何感激圖報乃近日志驕氣盈舉措乖方辜恩昧良實出情理之外本應從重懲辦姑念其前此尙有戰

功著先行革去布政使以道員降補仍留廣西交曹
澍鍾差委其侵吞兵餉及遇賊退避各情節並著該
撫查明叅奏

同日廣東巡撫耆齡奏言准普承堯咨報文瑞
已抵九江接印一俟帶勇到彭澤接防該總兵
卽率寶勇進攻建德王夢麟一軍已撤回徽郡
僅以所部五千人深入攻勦數面受敵請添撥

兵勇分路進攻藉壯聲勢又准張芾咨會逆衆盤踞太平縣之宏潭郭村負嵎抗拒日久恐又生變各等因查建德賊勢蔓延普承堯一軍越境進剿必得徽防兵勇兩面夾擊方能得手今另設逆匪占踞郭村逼近黟縣勢不能分兵當嶺會攻建德徽饒兩郡脣齒相依保全徽境卽可作饒防屏蔽已革廣東南韶連道吳坤修病

已就痊應令該員率領團勇及彰武奇兵同字
等營共三千七百人自浮梁徑趨黟縣會合徽
防各軍力攻郭村逆匪一俟此股撲滅踰嶺進
取建德與普承堯分路夾攻但吳坤修與徽郡
官兵到建尚需時日普承堯以五千人獨當巨
寇兵力尙單適准曾國藩咨平江老中營仍留
防湖口臣當飭前派接防湖口之衡勇一千名

隨同普承堯協力建邑之賊至徽郡軍餉亦未
充裕吳坤修普承堯兩軍日糧等項概由江省
力籌接濟

耆齡又奏言查吉安府屬之蓮花廳城隍界地
方實爲逆匪回竄江西要道臣先後調派副將
劉芳貴等馳往防守並以城隍界地面平行飭
令各營空濠築牆藉資堵禦近據探報寶慶敗

匪悉竄廣西湖南境內已無賊蹤是城隍界防務已鬆惟此股賊數甚衆廣西戶鮮蓋藏野無可掠該逆不能久踞萬一闖入廣東冀圖回竄江省則南贛二郡實當其衝臣已移行總兵遮克敦布等訓練兵勇協助嚴防設有逆氛逼近並可抽調城隍界各營移紮南安之崇義等縣以備堵勦

耆齡又奏言正繕摺間接張芾函稱現有宏潭
郭村之警王夢麟所部數隊已撤進嶺徼防兵
力一時不能及遠總兵普承堯一軍雖至建德
恐成孤注轉慮建賊伺隙旁逸囑卽知會普承
堯暫駐彭建之交俟徽警稍平約會前進等因
與臣摺內先除郭村逆匪再行夾攻建德之議
不謀而合當知會普承堯督率所部於彭澤邊

界以增爲勦俟徽師及吳坤修一軍出嶺再行
會攻建德奏八均報

欽定勦平粵匪方略卷二百二十五 己未年

九月十四日庚辰官文胡林翼奏言皖屬石牌鎮

地方與宿望潛太等縣毗連爲入安慶要隘上年官軍回援宿太後該逆復在該處修造堅城一座阻我入皖之路與太湖城內之賊互相援應兼通賊糧火藥等項故進兵圖皖必先奪取石牌方爲勝算當飭總兵鮑超嚴守太湖各營

副都統多隆阿馬步兵勇於八月二十六日馳
赴榮豐嶺駐紮連日察看地勢二十八日馳抵
石牌派參將楊朝林等由東面進攻都司周天
祥等由北門進攻參將穆正春由南門進攻多
隆阿自率各營出其不意拆毀木城越濠而進
該逆驚覺開礮轟擊我軍正值攻城喫緊忽潛
山逆賊叢擁而來卽派吉林黑龍江馬隊二起

馳往截擊安慶之賊亦分股來援又派馬隊二
起迎勦均被擊退各營步隊奮力攻城該逆仍
堅持抗拒各勇衝鋒冒鎗前者傷亡後者繼進
遂攻毀礮眼而入賊衆大亂我軍乘勝搜殺其
開城逃竄者亦殲殪殆盡立將石牌僞城攻拔
現在分撥大軍駐紮石牌卽乘機攻取太湖以
便分路進剿此次出力員弁兵勇可否由臣等

纂實請獎出自

恩施奏入

上諭內閣曰此次援皖楚軍攻拔石牌僞城盡殲醜類
實足寒賊膽而快人心著官文等仍飭各軍乘此聲
威克復太湖縣城節節進勦以靖逆氛在事出力員
弁兵勇著官文等纂實擇尤保奏

官文又奏言八月二十五日曾國藩行抵鄂省

臣連日會晤將防川征皖情形詳細籌商竊以
行軍進止機宜惟視賊蹤趨向之緩急近接湖
南稟報石逆大股全竄粵西攻撲桂林經蔣益
澧帶兵回省籌辦防守事宜臣前已咨行劉長

佑蕭啟江等軍跟蹤追剿以爲粵省外援探聞
前隊已抵興甯連獲勝仗如粵省能固守旬日
援兵到後一鼓聚殲固屬盡善或該逆改竄貴

州假道入蜀道途遙遠川省必先已設防況駱秉章不肯以鄰爲壑援應粵西諒有定見現據湖南臬司翟誥稟報已派兵勇嚴防黔楚交界布置亦稱周密查曾國藩一軍前以寶慶賊勢正張防其犯蜀今則該逆敗竄粵西是曾國藩八川之議揆之時下情形非爲上策現在皖省之霍山六安又爲賊擾楚北之羅田麻城黃安

等屬皆與皖疆接壤爲該逆所窺伺撫臣胡林翼已選派所部添駐邊隘此又征皖之舉急於防川臣愚以爲曾國藩一軍應緩赴川省現擬紮營上巴河候南省撤回各軍分路進攻皖逆不特於皖省有益且於四川亦一水可通卽江湘湖南有事皆得分兵策應臣與曾國藩連日熟商並咨商胡林翼均意見相同容俟議定分

路進勦皖事宜再行具奏奏入

上從之

同日曹澍鍾奏言臣繼母李氏現年七十歲係在四川省寓居住本年六月間因患脾漏遽於二十二日病故臣於八月二十五日聞訃應卽交卸奔喪惟遵例不得遽行離任且逆匪石達開竄撲桂垣尙未解圍勦辦正形喫緊臣不敢

以私貽誤仍將軍務事宜殫竭血誠實力經理
並請

旨迅賜簡放俾得離任守制至臣丁憂後應請督臣代
奏因軍務緊要並東西兩省道路梗滯是以自
行陳奏奏入

上命軍機大臣傳諭曹澍鍾曰前據有鳳奏曹澍鍾現
丁母憂業經降旨照軍營例賞假百日令赴四川寓

所經理喪事廣西巡撫著祥奎前往署理曹澍鍾百
日後仍回廣西署理巡撫矣本日曹澍鍾奏聞訃丁
憂請簡放巡撫俾得離任守制等語現在逆匪攻撲
廣西省城軍務正當喫緊祥奎尙難卽赴署任且係
生手於現辦軍情未必熟悉曹澍鍾著暫留廣西署
理巡撫妥籌戰守事宜俟祥奎到省並桂林解圍後
再行回川經理喪事以重職守

十五日辛巳張芾奏言宏潭郭村之賊日久負嵎

江長貴於八月十一日飭都司程永年等進堵

香口副將王夢麟出棠梨嶺次於湖坡副將楊

名聲等出章嶺次於瓦亭遊擊余大鵬撥隊出

方干釣魚二嶺次於葉村仍親督遊擊葉聖言

等由榧樹下進山徑繚曲未能交鋒乃潛留大

隊伏紮山後以輕騎直擣賊卡該逆分股突出

我軍且戰且卻誘至扁擔鋪回軍縱擊賊欲乘勢包抄適山後伏發千總陳國榜手刃二賊衝入賊中江長貴揮軍掩襲賊卽返奔閉卡拒守十六十八等日江長貴督軍由黟縣各嶺進攻米興朝帶隊由石埭小溪進攻榮陞等會合兵圍由太平焦村進攻賊正在油竹坑壘石塞路江長貴馳至立殪數賊米興朝等引軍至龍骨

嶺等處各毀賊卡而還二十日榮陞等分隊進
取前村小有斬擒該逆忽由宏潭分股越桃嶺
直犯船渡遊擊黃金祥都司黃朝升等以火器
擊賊鏖戰方酣賊復由崇嶺襲烏石隴後黃金
祥黃朝升均受重傷撤軍楊溪河而營米興朝
在小溪聞信急將所帶隊伍回守石壠賊已竄
入夏村並由夏村進逼柳家梁乘遊擊冉正祥

出隊之際分股襲陷營卡米興朝自黃土嶺率軍踵至黃金祥亦裹創協助立將營卡奪回數日之間夏村之賊五撲穰嶺郭村之賊兩犯溪卡均經榮陞等先後勦退美坑及余漢藍湖石亥嶺等處之匪亦經程永年等分路搜捕餘賊竄奔夏村一路刻下喊鋒未挫一時恐難奏功惟有督勦諸將奮合江長寶采興溯洛軍三面

撓勦仍與周天受妥籌調度以期早臻安敉奏
入報

聞

十六日壬午周天受奏言八月二十日後太平縣

屬之宏潭美坑踞匪竄擾石埭縣屬之夏村該處曾壘不守致涇太兩縣又復震動臣遂派參

將丁文尙等抽帶防守寒亭勇丁四百名馳赴

涇縣灘焦石埠一路以作聲援駐防萬級嶺之
參將吳正熙帶勇四百名就近馳往石埭助勦
人心稍定另股由青陽峯至楊田埂將犯萬級
嶺當將助勦石埭之勇撤歸嶺防乃該逆先自
楊田埂分股一由白茆塘一由湯家山直撲嶺
營守備邵文成等分投拒敵該逆拀死攻撲適
都司鄧在倫等由石埭回防併力勦擊賊始敗

退初三日蕪湖之賊駛礮划數隻至灣沚十餘里之清涼渡當經遊擊謝長禮等帶隊擊之賊卽退去查前此賊來每走陸路今則以礮划探試水路尤宜嚴防臣已於灣沚水口多築營牆以資防禦此時太石之賊未滅甯防三面喫緊赴援之軍且難撤轉浙江派出之義勝軍尙未到甯臣惟有斟酌機宜妥爲調度以期面面顧

到奏入報

十九日乙酉和春奏言探報八月二十九日定遠

之賊群結捻匪大股再陷盱眙有繞出藉壩直犯清淮之謠當派總兵張威邦帶兵三千名馳赴淮揚一帶相機策應所遺三岔河營盤查有總兵劉季三堪以接替其溧水防務以總兵魯

占鼈接替提督鄭魁士病未痊愈卽飭就近兼
防高湏以免顧此失彼又據馬德昭等稟稱該
逆復由三岔河折竄天長窺伺儀揚邊境聲言
卽日回竄揚城等語當由秣陵關六合兩處添
派精旅二千名歸張威邦調遣復商李若珠再
由六合撥兵二千名交馬德昭統帶與張威邦
酌量緩急以勦爲防總期北顧清淮西攻浦六

以分賊勢惟金陵接濟全在浦口一綫生機而
九洑洲上下賊營尤爲往來要衝非水陸環攻
破其逆壘不足制賊死命連日挑選隊伍密爲
部署豫派副將黃靖等督率將弁四面進攻副
將陳開選管帶擡礮排列洲隄以爲接應總兵
張玉良爲督催派提督周天培飭所部緊攻浦
口其水路則派參將黃彬等各率戰船從下游

逆攻參將賴鎮海等管駕紅單快蟹各船從上
游順壓會合陸軍同時進剿一俟雨霽風順立
卽剋期大舉八月二十五日六合逆黨由西南
兩門出撲官兵曾盤李若珠當派副將王萬清
等分投迎剿親率馬步隊策應鏖戰兩時殲賊
甚多是日江浦東門外有賊大股登山俯瞰勇
營經三品銜薛成良開礮擊退西路復有悍賊

數百虜擁而來勇目李槐林迎擊手刃賊酋數
名中槍陣亡薛成良督勇縱擊賊始鼠竄回巢
臣等惟當相機進勦規復堅城陣亡勇目李槐
林殺賊捐軀應請

飭部照例議卹奏入得

旨李槐林著照例議卹

二十一日丁亥曾國藩奏言臣於八月十一日抵

黃州與撫臣胡林翼晤商一切二十三日抵武
昌晤督臣官文探聞湘賊大股全竄粵西前隊
已趨義甯距黔省邊界甚近或由龍勝懷遠一
帶入黔以遂其竄蜀之謀亦未可定惟以道里
計之賊蹤離蜀尙隔三千餘里粵黔兩省萬山
叢雜賊多食少勢難遽達蜀境查皖北粵捻各
匪蔓延日廣南爲金陵蕪湖之援北爲齊豫數

省之患自安慶至宿亳千餘里人民迫切待救
勝保翁同書兩軍相隔既遠東北各路亦無協
勦之師非由楚省派兵馳援不能牽制賊勢官
文胡林翼擬將援湘馬步各軍調回分路進發
皖鄂接壤途徑紛歧上年李續賓銳意深入連
克四城因兵數太少有戰兵無守兵有正兵無
援兵是以中道挫衄今懲前此之失須合全力

圖之中原腹地莫要於皖就大局緩急而論臣
自應回軍援皖先其所急九月初三日由武昌
回駐黃州下游之巴河詳考入皖形勢進兵須
分四路南則循江而下一由宿松石牌以規安
慶一由太湖潛山以取桐城北則循山而進一
由英山霍山以取舒城一由商城六安以規廬
州南軍駐石牌則可與楊載福黃石磯之師聯

爲一氣北軍至六安州則可與翁同書壽州之
師聯爲一氣臣所部不及萬人僅足自當一路
若將援湘之蕭啟江調回則臣處可分爲兩支
若並將張運蘭調回則臣處可分爲三支一支
之力僅能會勦皖北三支之力則可專任皖南
此時湘事雖紓邊防尙緊臣擬酌留張運蘭一
軍協防湖南咨調蕭啟江帶勇五千人來鄂相

應請

旨飭下湖南撫臣檄催蕭啟江剋日前來會同鄂省各軍陸續東下以期廓清皖境

同日袁甲三庚長奏言近聞湖廣督臣官文會同湖北撫臣胡林翼以湖南全省肅清請將曾國藩之軍會合楚北官兵同勦皖逆候李續宜等由楚南回軍分路前進並請勝保兜勦東北

翁同書截住比捻等因其如何定議具奏未能
深悉伏思皖北捻粵勾連勝保力挽五河前後
左右不能兼顧懷遠一城急切亦難進攻翁同
書一軍駐繁壽州餉道尙未通暢勢難進取捻
粵兩逆時思旁竄不惟清淮可慮卽直東各境
亦岌岌可危官文等以全力注皖自可蕩平狂
寇重奠江淮惟楚師進剿必於安慶潛山太湖

一帶八手南路一經得勢恐將驅賊北趨淮北
勝保傅博振邦兩軍兵力單弱本有應接不暇之
勢若加以南路逆賊大股北趨萬難支持查楚
師此番入皖賊勢過重必須步步爲營互相援
應胡林翼身任封疆親歷戎馬一切賴其總持
萬難分身北來惟曾國藩督辦軍務向係獨來
獨往若率所部兵勇取道光州固始潁州一帶

繞赴北路會同勝保傅振邦等軍併力南攻仍
與楚北各軍呼吸一氣再得和春張國樑等督
飭江南北諸軍擊其東面翁同書關保等擊其
西面如此面面兜裏既可收夾擊之功卽以杜
北竄之路應請

飭下官文胡林翼曾國藩等委爲籌商卽令曾國藩督
師繞赴北路會合進攻實於全局大有裨益均

奏入

上命軍機大臣傳諭官文曾國藩胡林翼曰皖省賊氛甚熾必須楚師東下方可掃蕩曾國藩奏稱以兩軍循江而下規取安慶桐城兩軍循山而進規取舒城廬州各軍所部兵勇自卽照官文前奏派撥蕭啟江一軍已入粵西現當桂林危急全恃此軍援應未能調回湘中防堵尙有兵勇可派著曾國藩斟酌情形

卽將張運蘭調取回鄂亦可補蕭啟江之缺本日據
袁甲三庚長奏現聞官文等籌議進兵勦辦皖逆並
議令勝保等於東北路截勦惟勝保傅振邦兵力單
弱一經楚師大舉深恐驅賊北竄請飭由光州固始
潁州一帶繞赴北路進剿等語曾國藩所奏北路一
軍由商城前進本去潁州不遠惟須折赴六安規取
廬州則蒙亳等處已難兼顧此時捻粵勾結設因南

路不支竟圖北竄恐傅振邦翁同書等不能堵遏袁
甲三等所慮亦不爲無見著官文曾國藩胡林翼再
行悉心籌酌所有東下四軍應如何派出一軍取道
光固潁州繞出懷蒙以北與勝保等軍會合南勦庶
逆匪不致北犯此次官文等會籌大舉關繫全局利
害總須計出萬全不妨稍遲時日謀定後動也

二十三日己丑翁同書奏言據已革副將盧又熊

稟稱該副將商同麟瑞等派撥馬步隊六百餘名由麟瑞帶赴青山下符橋等處進攻霍山該副將親督馬步隊一千六百餘名會同常海直攻毛坦廠初五日齊撲賊壘四面圍攻斃匪不計其數立將逆壘踏平分兵攻賊左右兩壘守備鄧萬春中礮陣亡該逆乘勢衝出適當海帶領馬隊往援斃賊一百餘名賊敗入壘堅匿不

出時麟瑞督帶馬步隊暫紮青山下符橋擬俟
毛坦廠得手卽會攻霍山縣城初六日霍山賊
朋突出數千人暗襲下符橋我軍據橋扼戰該
逆敗退盧又熊力攻毛坦廠左右之壘將次得
手忽廬州賊匪大股西犯已至四十里鋪有窺
伺六安之意並探聞安慶檄來賊匪數千人約
會霍山舒城各逆同時竄擾六安該副將以我

軍馬步均赴前敵六安空虛恐該逆繞出我軍之後遂商同麟瑞等於初七日將各隊撤回六安以顧根本此次官軍雖未能立復縣城已將毛坦廠賊壘攻破斃賊極多足寒逆膽現仍飭盧又熊等防勦兼籌一俟六安情形稍鬆相機進剿陣亡守備鄧萬春奮勇捐軀應請

戶部照陣亡例議卹奏入得

旨鄧萬春著照例議卹

二十六日

壬辰

和春奏言據李若珠馬德昭咨報

盱眙等處逆股陸續南竄糾合天長醜類撲近揚州城北甘泉山一帶距揚城祇二十餘里馬德昭當派遊擊王萬釗等馬隊爲第一軍參將艾得勝等步隊爲第二軍親督都司李貴等居中指揮會商在城文武督飭鄉團三路齊發至

距城十五里之貓兒墩地方該逆拏死迎拒王
萬釗等各率馬隊左右包抄槍殲黃衣賊目數
名餘皆披靡馬德昭跟蹤掩殺直抵甘泉山始
行收隊十三日賊在大儀集秦攔等處屯聚馬
德昭派令艾得勝等各帶步隊馳赴司徒廟附
近設伏都司姜源等帶隊策應副將馬占葵等
嚴扼邵伯灣頭等處以杜該匪旁竄艾得勝等

卷旆疾馳未及司徒廟數里賊股慄擁而來官軍往來蕩擊殪賊多名逆黨竄回貓兒墩力拒委參領雙喜等同時陣亡據探逆蹤竄過司徒廟近城數里之內已有逆騎游弋情形萬緊臣與張國樑揀調勁旅一千二百名派遊擊虎坤揚管帶渡江聽候馬德昭等調遣並准袁甲三咨稱衡陽蔣壩逆匪均經擊退清淮防務稍鬆

應將前次赴援之兵勇五千名酌留揚州等因
當飭張威邦星夜折回揚郡會同馬德昭妥爲
布置至規復金陵一切機宜因秋深積潦沙洲
一帶盡成巨浸無路進攻一俟雨止河乾卽會
商張國樑剋期大舉斷不敢顧彼失此陣亡黑
龍江委參領雙喜委防禦同福臨陣捐軀應請
飭部照例議卹奏入得

旨雙喜等均著照例議卹

和春又奏言據水師總兵吳全美稟報魯防自七月十八十九等日勦敗三山各賊後小有斬擒八月十七日探得蕪湖之賊由雙港前來該鎮派遊擊鄭吉星等督兵堵禦堅壁不戰賊旗布滿鴉山守備吳奇勳等礮斃黃衣賊目賊勢稍卻我軍開壁合擊擒斬無數餘賊遁回蕪湖

二十一日蕪湖賊黨分犯池州該鎮設伏殲勦
賊向石硊峨橋橫山而去查峨橋爲池蕪喉咽
橫山居池蕪交界石硊水道一通南陵一通灣
沚係陸軍出紮之路尤需防門戶所關初五日
該鎮先派水陸兵勇嚴守魯防另派吳奇勳等
進攻橫山又派參將李起高等會合知縣楊希
顏等兵團水陸並進初六日馳抵峨橋都司鄭

龍標等首先進卡手刃黃衣賊數名各軍乘勝
追入斬首四十餘級殲溺無算遂平峨橋賊巢
是夜敵划直擣石碗該逆棄巢而遁其橫山官
軍連日惡戰初六日見峨橋火光城巢亦亂勇
目方文林等四面截殺敗賊遁往上游石碗峨
橋橫山境內同日肅清惟魯防兵力單薄必須
甯防撥兵同繁鴉山庶水陸聯絡免致旋得旋

聞

失奏入報

卷一百三十五

三三

二十八日午甲曹澍鍾奏言逆首石達開竄粵後

所結土匪心志不一屢遭挫衄不敢開仗惟築

壘自固徧地密釘竹籤令人不能進出臣密飭

將備步步爲營直逼賊壘分途挑戰並張貼簡

明告示無論脅從及長髮老賊均許其來歸免

死其薙髮逃出經兵練盤獲者亦一律寬釋如
能縛送首逆給予優賞旬日以來賊果疑懼多
有投出者興安靈川之賊均向省竄擾經蕭啟
江等督勇晉省分途圍殺九月初一日參將蕭
榮芳等馳抵東城臣當就現到兵勇督飭出戰
初四日蕭啟江派撥所部由南門文昌門分投
進剿攻拔賊柵數座與蔣益澧等水陸兜截擒

殺無數賊衆遁回西路死守連日諜報該逆石
達開畏避義甯餘賊驚恐皆思逃竄臣正商督
各軍次第合攻詎初十日該匪放火焚燒西南
門所住民房全由南路潰遁傳聞石逆復自義
甯折回擁衆混逃現在省城業已解圍惟石逆
尙稽顯戮如向平樂南去四面可通出永福則
可達柳州出永安則可達潯州若走賀縣恭城

等處界連湖南廣東亟應實力跟追現飭蕭啟
江蔣益澧各督兵勇探明賊蹤星夜驅馳蕭榮
芳等軍仍飭由西路馳赴柳州勦匪以杜勾結
省垣爲根本重地擬留蘇鳳文等督率兵練嚴
密梭巡防賊回竄仍遵

旨飛咨廣東江西湖南各督撫臣飭令途沿文武各於
交界要隘嚴行戒備確偵賊蹤迎頭截擊以期

盡殲醜類此次打仗出力並防守省城之文武
官紳俱屬著有微勞容臣擇尤保奏以昭激勸
曹澍鍾又奏言石逆蹤跡詭密現雖窮蹙混逃
而所在滋蔓必須搜獲方可永除後患肅厥江
劉長佑各軍應仍留粵合力跟追以殲羣醜且
廣西盜賊如毛斷非藉益澧一軍所能戡定肅
啟江謀勇兼長可否暫行留粵會辦奏入

上命軍機大臣傳諭勞崇光曹澍鍾惲光宸駱秉章曰
此次逆匪圍逼廣西省城業經官軍擊散未受大創
石逆復自義甯折回擁衆混逃必須探明賊蹤奮力
追勦廣東江西湖南三省均與粵西接壤爲該匪往
來熟徑著勞崇光惲光宸駱秉章飭令沿途文武各
於交界要隘嚴密防堵儻該匪竄至卽迎頭截擊不
使入境並著曹澍鍾督飭各軍分路跟蹤將此股逆

匪悉數殲除蕭啟江一軍勦賊得力著卽探賊所向
迅速追擊儻石逆遁往他省亦著督兵出境窮追毋
令免脫劉長佑現已補授廣西臬司該員所帶之兵
並可酌量留於該省以資勦辦

上諭內閣曰逆匪石達開自湖南擊敗後竄入廣西圍
逼桂林省城蕭啟江等派撥所部分投進勦攻拔賊
柵數座與蔣益澧等水陸兜擊擒殺無數城圍已解

首逆石達開擁衆混逃釜底游魂難稽顯戮著曹澑
鍾仍飭各軍分途追斂務將敗匪全數殲除此次打
仗出力及防守在事文武官紳等共保危城洵屬著
有微勞著該撫擇尤保奏